

Rumantsch è ina lingua naziunala, ma ina lingua parzialmain uffiziala da la Confederaziun, numnadama en la correspundenza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validitat legala.

Lescha federala davart la furmaziun professiunala (LFPr)

dals 13 da december 2002 (versiun dal 1. d'avrigl 2022)

*L'Assamblea federala da la Confederaziun svizra,
sa basond sin l'artitgel 63 da la Constituziun federala¹,
suenter avair gi invista da la missiva dal Cussegl federal dals
6 da settember 2000²,
concluda:*

1. chapitel Disposiziuns generalas

Art. 1 Princip

¹ La furmaziun professiunala è ina incumbensa communabla da la Confederaziun, dals chantuns e da las organisaziuns dal mund da lavur (partenaris socials; federaziuns professiunalas, autres organisaziuns cumpetentas ed auters purschiders da la furmaziun professiunala). Ellas ed els sa stentan da garantir ina purschida suffizienta en il sectur da la furmaziun professiunala, cunzunt en ils champs professiunals cun vistas per il futur.

² Las mesiras da la Confederaziun han l'intenziun da promover tant sco pussaivel las iniciativas dals chantuns e da las organisaziuns dal mund da lavur cun meds finanziials e cun auters meds.

³ Per realisar las finamirias da questa lescha collavuran:

- a. la Confederaziun, ils chantuns e las organisaziuns dal mund da lavur;
- b. ils chantuns er tranter els e las organisaziuns dal mund da lavur er tranter elllas.

Art. 2 Object e champ d'applicaziun

¹ Questa lescha regla per tut ils secturs professiunals danor per quels da las scolas autas:

- a. la furmaziun fundamentala professiunala, inclusiv la maturitat professiunala;
- b. la furmaziun professiunala superiura;
- c. la furmaziun supplementara orientada a la professiun;
- d. las proceduras da qualificaziun, ils attestats ed ils titels;
- e. la furmaziun da las persunas responsablas per la furmaziun professiunala;
- f. la cumpetenza ed ils princips da la cussegliaziun da professiun, da studi e da carriera;
- g. la participaziun da la Confederaziun als custs da la furmaziun professiunala.

² Questa lescha na vala betg per furmaziuns che vegnan regladas en outras leschas federalas.

³ En enclejentscha cun ils chantuns po il Cussegl federal excluder singuls champs professiunals dal champ d'applicaziun da questa lescha, sche quai ha per consequenza che la repartiziun da las incumbensas tranter la Confederaziun ed ils chantuns è pli raschunaiva.

Art. 3 Finamiras

Questa lescha promova e sviluppa:

- a. in sistem da furmaziun professiunala che permetta a las singulas persunas da sa realisar sin plaun professiunal e personal e da s'integrar en la societad, en spezial en il mund da lavour, sco er che las qualifitgescha e las renda prontas d'esser flexiblas areguard la professiun e da reussir en il mund da lavour;
- b. in sistem da furmaziun professiunala che serva a la cumpetitivitat dals manaschis;
- c.³ l'egalitat da las schanzas da furmaziun sin plaun social e regional, l'egalitat effectiva da dunna ed um, l'eliminaziun dals dischavantatgs envers las persunas cun impediments sco er l'egalitat da las schanzas e l'integrazion da persunas estras;

³ Versiun tenor la cifra 2 da l'agiunta da la LF dals 16 da dec. 2016 (integrazion), en vigur dapi il 1. da schan. 2019 (AS **2017** 6521, **2018** 3171; BBl **2013** 2397, **2016** 2821).

- d. la permeabilitad tranter differentas scolaziuns e furmaziuns a l'intern da la furmazion professiunala sco er tranter la furmazion professiunala ed ils auters champs da furmazion;
- e. la transparenza dal sistem da furmazion professiunala.

Art. 4 Svilup da la furmazion professiunala

¹ Per sviluppar la furmazion professiunala promova la Confederaziun studis, projects da pilot, la perscrutazion davart la furmazion professiunala e la creaziun da structuras solidas en novs champs da la furmazion professiunala.

² La Confederaziun daventa sezza activa en quests champs, sche quai è necessari per sviluppar la furmazion professiunala.

³ Per projects da pilot po il Cussegli federal – en cas da basegn e suenter avair tadlà ils chantuns e las organisaziuns respectivas dal mund da lavur – divergiar temporarmain da las disposiziuns da questa lescha.

⁴ La qualitad e l'independenza da la perscrutazion davart la furmazion professiunala sto vegnir garantida tras instituziuns da perscrutazion qualifitgadas.

Art. 5 Infurmaziun, documentaziun e meds d'instrucziun

La Confederaziun promova:

- a. l'infurmaziun e la documentaziun, sche quai è d'in interess naziunal u d'in interess per ina regiun linguistica;
- b. la creaziun da meds d'instrucziun per las minoritads linguisticas.

Art. 6 Chapientscha e barat tranter las cuminanzas linguisticas

¹ En il sectur da la furmazion professiunala po la Confederaziun promover mesiras che meglieresch la chapientscha ed il barat tranter las cuminanzas linguisticas.

² Ella po promover particularmain:

- a. la plurilinguitad individuala, cunzunt faschond pretensiuns correspondentes areguard las linguas d'instrucziun ed areguard la furmazion linguistica da las persunas d'instrucziun;
- b. il barat da persunas d'instrucziun sco er d'emprendistas e d'emprendists tranter las regiuns linguisticas, sche quai vegn sustegni dals chantuns, da las organisaziuns dal mund da lavur u da las interpresas.

Art. 7 Regiuns e gruppas dischavantagiadas

La Confederaziun po promover mesiras en il sectur da la furmazion professiunala che van a favur da regiuns e da gruppas dischavantagiadas.

Art. 8 Svilup da la qualitat

¹ Ils purschiders da la furmaziun professiunala garanteschan il svilup da la qualitat.

² La Confederaziun promova il svilup da la qualitat, tschenta standards da qualitat e surveglia che tals vegnian observads.

Art. 9 Promozion da la permeabilitad

¹ Prescripziuns davart la furmaziun professiunala garanteschan la pli gronda permeabilitad puissaivla tant a l'intern da la furmaziun professiunala sco er tranter la furmaziun professiunala ed ils auters champs da furmaziun.

² L'experiéntscha pratica, professiunala u extraprofessiunala, la furmaziun spezialisada u generala ch'èn vegnidas acquiridas ordaifer las scolaziuns usitadas vegnan messas a quind adequatamain.

Art. 10 Dretgs da cogestiun dals emprendists

Ils purschiders da la furmaziun pratica professiunala e da la furmaziun da scola dattan dretgs da cogestiun commensurads a las emprendistas ed als emprendists.

Art. 11 Purschiders privats

¹ Per purschiders privats sin il martgà da la furmaziun professiunala na dastgan resultar naginas distorsiuns da concurrenza nungiustifitgadas pervia da mesiras ch'èn vegnidas prendidas sin basa da questa lescha.

² Purschiders dal sectur public che concurrenzeschan purschiders betg subvenziunads dal sectur privat ston pretender pretschs confirms al martgà per lur purschidas da furmaziun supplementara orientada a la professiun.

2. chapitel Furmaziun fundamentala professiunala**1. part Disposiziuns generalas****Art. 12 Preparazion per la furmaziun fundamentala professiunala**

Ils chantuns prendan mesiras per preparar per la furmaziun fundamentala professiunala las persunas che han deficits da furmaziun individuals a la fin dal temp da scola obligatoric.

Art. 13 Dischequilibre sin il martgà da la furmaziun fundamentala professiunala

En il rom dals medis finanzials disponibels po il Cussegl federal prender mesiras limitadas per cumbatter in dischequilibre che sa mussa u che smanatscha sin il martgà da la furmaziun fundamentala professiunala.

Art. 14 Contract d'emprendissadi

¹ Ils emprendists ed ils purschiders da la furmazion pratica professiunala fan in contract d'emprendissadi. El sa drizza tenor las disposiziuns dal Dretg d'obligaziuns⁴ concernent il contract d'emprendissadi (art. 344–346a), uschenavant che questa lescha na cuntegna naginas regulaziuns divergentas.

² Il contract vegn concludi il cumenzament da l'emprendissadi e vala per l'entra durada da la furmazion fundamentala professiunala. Sche la furmazion pratica professiunala ha lieu successivamain en plirs manaschis, po il contract vegnir fatg mintgamar per la part respectiva da l'emprendissadi.

³ Il contract d'emprendissadi sto vegnir approvà da l'autoritat chantunala competenta. Per l'approvaziun na dastgan vegnir adossadas naginas taxas.

⁴ Sch'il contract d'emprendissadi vegn schlià, sto il purschider da la furmazion infurmar immediatamain l'autoritat chantunala ed eventualmain la scola professiunala spezialisada.

⁵ Sch'in manaschi vegn serrà u sch'el na garantescha betg pli la furmazion fundamentala professiunala tenor las prescripziuns legalas, procuran las autoritads chantunalas ch'ina furmazion fundamentala professiunala cumenzada possia – sche pussaivel – vegnir terminada en urden.

⁶ Las prescripziuns da questa lescha èn er applitgablas per l'emprendissadi, sch'igl è vegni tralaschà da far in contract d'emprendissadi u sch'in tal na vegn betg inoltrà u vegn inoltrà cun retard per l'approvaziun.

2. part Structura**Art. 15 Object**

¹ La furmazion fundamentala professiunala serva ad intermediar ed ad acquirir las cumpetenças, las enconuschentschas e las abilitads (qua sutvar qualificaziuns) ch'èn indispensablas per exercitar ina professiun u ch'èn necessarias en in champ professiunual u en in champ d'activitat (qua sutvar activitat professiunala).

² Ella cumpiglia en spezial l'intermediazjün e l'acquisizjün:

- a. da las qualificaziuns specificas per la professiun che permettan a las emprendistas ed als emprendists d'exercitar in'activitat professiunala en moda cumpetenta e segira;
- b. da la furmazion generala fundamentala che permetta a las emprendistas ed als emprendists da chattar l'access al mund da lavour, da reussir en quel e da s'integrar en la sociedad;
- c. da las enconuschentschas e da las cumpetenças economicas, ecologicas, socialas e culturalas che permettan a las emprendistas ed als emprendists da contribuir ad in svilup persistent;

⁴ SR 220

- d. da l'abilitad e da la prontedad d'emprender per vita duranta sco er da giuditgar e da decider independentamain.

³ Ella suonda il temp da scola obligatoric u ina qualificazion equivalenta. Il Cussegħ federal fixescha ils criteris che servan a fixar la vegliadetgħa minimala per cumentzar la furmaziun fundamentala professiunala.

⁴ Las ordinaziuns da furmaziun reglan l'instrucziun obligatorica d'ina segunda lingua.

⁵ L'instrucziun da sport sa drizza tenor la Lescha federala dals 17 da zercladur 2011⁵ davart la promozjoni dal sport.⁶

Art. 16 Cuntegns, lieus da furmaziun, responsabladdads

¹ La furmaziun fundamentala professiunala consista:

- a. d'ina furmaziun pratica professiunala;
- b. d'ina furmaziun da scola generala e relativa a la professiun;
- c. d'ina cumplettazzjoun da la furmaziun pratica professiunala e da la furmaziun da scola, là nua che l'attivitàt professiunala che vegg emprendida pretenda quai.

² La furmaziun fundamentala professiunala vegg per regla fatga en ils sustants lieus da furmaziun:

- a. en il manaschi d'emprendissadi, en la cuminanza da manaschis d'emprendissadi, en laverorisor d'emprendissadi, en scolas medias da commerzi u en autres instituzjuns per la furmaziun pratica professiunala ch'èn renconuschidas per quest intent;
- b. en scolas professiunals spezialisadas per la furmaziun generala e relativa a la professiun;
- c. en curs intermanaschials ed en auters lieus da furmaziun cumparegliabels per cumplettazzjums da la pratica professiunala e da la furmaziun da scola.

³ Las parts da la furmaziun tenor l'alinea 1, lur structura organizatorica e lur repartiziun temporalia veggan fixadas en l'ordinaziun da furmaziun corrispondenta tenor ils basegħi da l'attivitàt professiunala.

⁴ La responsabladdad visavi l'emprendista u l'emprendist vegg fixada tenor il contract d'emprendissadi. Sch' i na dat nagħin contract d'emprendissadi, vegg ella fixada per regla tenor il lieu da furmaziun.

⁵ Per cuntanscher las finamiras da la furmaziun fundamentala professiunala collavurani ils purschiders da la furmaziun pratica professiunala e da la furmaziun da scola sco er dals curs intermanaschials.

⁵ SR 415.0

⁶ Versiun tenor la cifra 3 da l'artitgel 34 da la LF davart la promozjoni dal sport dals 17 da zer. 2011, en vigur dapi il 1. d'oct. 2012 (AS 2012 3953; BBl 2009 8189).

Art. 17 Tips da furmaziun e durada

- ¹ La furmaziun fundamentala professiunala dura dus fin quatter onns.
- ² La furmaziun fundamentala da dus onns terminescha per regla cun in examen che autorisescha per l'attestat federal da furmaziun professiunala. Ella è concepida uschia che las purschidas tegnan quint spezialmain da las differentas premissas dals emprendists.
- ³ La furmaziun fundamentala da trais fin quatter onns terminescha per regla cun in examen final d'emprendissadi che autorisescha per l'attestat federal da qualificaziun.
- ⁴ L'attestat federal da qualificaziun ed in diplom da furmaziun generala approfondada autoriseschan per la maturitat professiunala.
- ⁵ La furmaziun fundamentala professiunala po er vegnir acquirida tras ina furmaziun professiunala betg formala; questa furmaziun vegn terminada cun ina procedura da qualificaziun.

Art. 18 Consideraziun da basegns individuals

- ¹ Per persunas spezialmain qualifitgadas u cun ina furmaziun preliminara sco er per persunas cun difficultads d'emprender u cun impediments po la durada da la furmaziun fundamentala professiunala vegnir prolungada u scursanida adequata-main.
- ² Il Cussegl federal decretescha disposiziuns spezialas davart l'accumpagnament individual spezialisà da persunas cun difficultads d'emprender en ina furmaziun fundamentala professiunala da dus onns.
- ³ La Confederaziun po promover l'accumpagnament individual spezialisà.

Art. 19 Ordinaziuns da furmaziun

- ¹ Il Secretariat da stadi per furmaziun, retschertga ed innovaziun (SEFRI)⁷ decretescha ordinaziuns da furmaziun per il sectur da la furmaziun fundamentala professiunala. El decretescha quellas sin proposta da las organisaziuns dal mund da lavour u, en cas da basegn, da sai anor.
- ² Las ordinaziuns da furmaziun reglan spezialmain:
- l'object e la durada da la furmaziun fundamentala;
 - las finamiras e las pretensiuns da la furmaziun pratica professiunala;
 - las finamiras e las pretensiuns da la furmaziun da scola;
 - la dimensiun dals cuntegns da la furmaziun e las parts che vegnan surpigliadas dals lieus da furmaziun;
 - las proceduras da qualificaziun, ils attestats ed ils titels.

⁷ Designaziun tenor la cifra I 8 da l'O dals 15 da zer. 2012 (reorganisaziun dals departaments), en vigur dapi il 1. da schan. 2013 (AS 2012 3655). Questa midada è vegnida resguardada en l'entira lescha.

³ Las proceduras da qualificaziun per las furmaziuns betg formalas sa basan sin las ordinaziuns da furmazion correspondentes.

⁴ ...8

3. part Purschiders

Art. 20 Purschiders da la furmaziun pratica professiunala

¹ Ils purschiders da la furmaziun pratica professiunala s'engaschan per ch'ils emprendists hajan il meglier success puissaivel en lur emprendissadi ed els survegljan periodicamain quest success.

² Els basegnan ina permissiun chantunala per la furmaziun d'emprendistas e d'emprendists; il chantun na dastga adossar naginas taxas per quella.

Art. 21 Scola professiunala spezialisada

¹ La scola professiunala spezialisada intermediescha la furmaziun da scola. Questa ultima cumpiglia l'instrucziun professiunala e l'instrucziun da la furmaziun generala.

² La scola professiunala spezialisada ha in'atgna incumbensa da furmaziun; ella:

- a. promova il svilup da la persunalitat e la cumpetenza sociala dals emprendists cun als intermediar la basa teoreтика per exercitar la professiun, sco er la furmaziun generala;
- b. resguarda ils differents talents dals emprendists e tegna quint – tras purschidas spezialas – dals basegns da las personas spezialmain qualifitgadas e da las personas cun difficultads d'emprender;
- c. promova l'egalitat effectiva da dunna ed um sco er l'eliminaziun dals dischavantatgs envers ils impedids tras purschidas e tras furmas da furmaziun correspondentes.

³ La frequentaziun da la scola professiunala spezialisada è obligatorica.

⁴ La scola professiunala spezialisada po er metter a disposizion purschidas da la furmaziun professiunala superiura e da la furmaziun supplementara orientada a la professiun.

⁵ La scola professiunala spezialisada po – en collavuraziun cun las organisaziuns dal mund da laver e cun ils manaschis – sa participar a curs intermanaschials ed ad ulteriurs auters lieus da furmaziun cumparegliabels.

⁶ Ella po surpigiliar incumbensas da coordinaziun per promover la collavuraziun da dals acturs participads a la furmaziun professiunala.

⁸ Integrà tras l'art. 21 cifra 2 da la LF dals 18 da zer. 2004 davart las publicaziuns uffizialas (AS **2004** 4929; BBI **2003** 7711). Aboli tras la cifra 4 da l'agiunta da la LF dals 26 da sett. 2014, cun effect dapi il 1. da schan. 2016 (AS **2015** 3977; BBI **2013** 7057).

Art. 22 Purschidas da scolas professiunala spezialisadas

¹ Ils chantuns che intermedieschan la furmazion pratica professiunala procuran per ina purschida da scolas professiunala spezialisadas confurm al basegn.

² L'instrucziun obligatorica è gratuita.

³ Tgi che ademplescha las premissas che vegnan pretendidas en il manaschi d'emprendissadi ed en la scola professiunala spezialisada, po frequentar curs facultativs senza reducziun dal salari. La frequentaziun da quests curs ha lieu en consentiment cun il manaschi. En cas ch'ins na vegn betg perina, decida il chantun.

⁴ Sch'ina emprendista u sch'in emprendist è dependent d'in curs da sustegn per absolver cun success la scola professiunala spezialisada, po la scola professiunala spezialisada – en encleigentscha cun il manaschi e cun l'emprendista u cun l'emprendist – ordinar da frequentar tals curs. En cas ch'ins na vegn betg perina, decida il chantun. Ils curs da sustegn pon vegnir frequentads senza reducziun dal salari.

⁵ Sin proposta da las federaziuns professiunala permetta il SEFRI d'organisar e da realisar curs professiunals interchantunals, sche quai gida a cuntanscher meglier las finamiras da furmazion, promova la disponibilitad dals manaschis d'emprendissadi, na chaschuna nagins custs excessivs e na chaschuna nagins dischavantatgs considerabels per las participantas e per ils participants.

Art. 23 Curs intermanaschials ed auters lieus da furmazion cumparegliabels

¹ Ils curs intermanaschials ed ils auters lieus da furmazion cumparegliabels vulan intermediar e laschar acquirir las abilitads fundamentalas. Els cumpletteschan la furmazion pratica professiunala e la furmazion da scola, là nua che l'actividad professiunala che vegn emprendida pretenda quai.

² Ils chantuns procuran – cun la cooperaziun da las organisaziuns dal mund da lavour – per ina purschida suffizienta da curs intermanaschials e d'auters lieus da furmazion cumparegliabels.

³ La frequentaziun dals curs è obligatorica. Sin dumonda dals purschiders da la furmazion pratica professiunala pon ils chantuns deliberar emprendistas ed emprendists dals curs, sch'ils cuntegns da tals vegnan intermediads en in center da furmazion manaschial u en in laveratori d'emprendissadi.

⁴ Tgi che organisescha curs intermanaschials u purschidas cumparegliables, po pretender dals manaschis d'emprendissadi u da las instituziuns da furmazion ina participaziun adequata als custs. Per evitar distorsiuns da concurenza pon las organisaziuns dal mund da lavour che organiseschan curs intermanaschials e purschidas cumparegliables pretender ina participaziun als custs pli auta dals manaschis che n'en betg commembers da l'organisaziun.

⁵ Il Cussegl federal fixescha las premissas e l'import da la participaziun als custs.

4. part Surveglianza**Art. 24**

¹ Ils chantuns procuran per la surveglianza da la furmaziun fundamentala professiunala.

² Da la surveglianza fan part la cussegliazion e l'accompagnament da las partidas dal contract d'emprendissadi sco er la coordinazion tranter ils acturs participads a la furmaziun fundamentala professiunala.

³ Objects da surveglianza èn ultra da quai en spezial:

- a. la qualitat da la furmaziun pratica professiunala, inclusiv dals curs intermanaschials e dals auters lieus da furmaziun cumparegliabels;
- b. la qualitat da la furmaziun da scola;
- c. ils examens ed outras proceduras da qualificaziun;
- d. l'observaziun da las disposiziuns legalas dal contract d'emprendissadi;
- e. l'observaziun dal contract d'emprendissadi tras las partidas.

⁴ Sin ina proposta communabla dals purschiders da la furmaziun professiunala sco er dals emprendists decida il chantun davart:

- a. l'equivalenza da las furmaziuns professiunalas betg formalas tenor l'artitgel 17 alinea 5;
- b. ils cas tenor l'artitgel 18 alinea 1.

⁵ En il rom da lur surveglianza pon ils chantuns en spezial:

- a. pretendier la restituzion totala u parziale da contribuziuns ch'els han concedì tenor l'artitgel 52 alinea 2 seconda frasa;
- b. annullar in contract d'emprendissadi.

5. part Maturidad professiunala federala**Art. 25**

¹ La maturidad professiunala federala creescha las premissas per in studi ad ina scola auta professiunala.

² La furmaziun generala approfondada tenor l'artitgel 17 alinea 4 po vegnir acquirida er suenter avair obtegnì l'attestat federal da qualificaziun.

³ Ils chantuns procuran per ina purschida che correspunda al basegn da l'instrucziun da maturidad professiunala.

⁴ L'instrucziun da maturidad professiunala che vegn dada en scolas publicas è gratuita. La Confederaziun ed ils chantuns pon sustegnair ils purschiders privats.

⁵ Il Cussegl federal regla la maturidad professiunala.

3. chapitel Furmaziun professiunala superiura

Art. 26 Object

¹ Sin il stgalim terziar serva la furmaziun professiunala superiura ad intermediar ed a laschar acquirir las qualificaziuns ch'èn necessarias per exercitar in'activitat professiunala pretensiua u da responsabludad.

² Ella premetta ch'i saja vegni obtegnì in attestat federal da qualificaziun, ch'i saja vegnida terminada ina furmaziun generala superiura da scola u ina qualificaziun equivalenta.

Art. 27 Furmas da la furmaziun professiunala superiura

La furmaziun professiunala superiura vegn acquirida tras:

- a. in examen professiunal federal u in examen professiunal federal superiur;
- b. ina furmaziun che vegn renconuschida da la Confederaziun e che vegn dada en ina scola spezialisada superiura.

Art. 28 Examens professiunals federais ed examens professiunals superiurs

¹ Ils examens professiunals federais ed ils examens professiunals superiurs premettan ina pratica professiunala respectiva ed enconuschientschas spezialisadas respectivas.

² Las organisaziuns dal mund da lavour cumpentantas reglan las cundiziuns d'admissiun, ils cuntegns didactics, la procedura da qualificaziun, ils attestats ed ils titels. Per quest intent resguardan ellas las furmaziuns che suondon. Las prescripcziuns èn suttamessas a l'approvazion dal SEFRI. Ellas vegnan publitgadas en il Fegl uffizial federal en furma d'in renviament tenor l'artitgel 13 alineas 1 litera g e 3 da la Lescha dals 18 da zercladur 2004⁹ davart las publicaziuns uffizialas.¹⁰

³ Il Cussegl federal regla las premissas e la procedura da l'approvazion.

⁴ Ils chantuns pon porscher curs preparatorics.

Art. 29 Scolas spezialisadas superiuras

¹ L'admissiun ad ina furmaziun che vegn renconuschida da la Confederaziun e che vegn dada en ina scola spezialisada superiura premetta ina pratica professiunala respectiva, sche questa pratica n'è betg integrada en la furmaziun.

² La furmaziun a temp cumplain dura, inclusiv ils praticums, almain dus onns, la furmaziun cumplementara a la professiun almain traís onns.

⁹ SR 170.512

¹⁰ Integrà la quarta frasa tras l'art. 21 cifra 2 da la LF dals 18 da zer. 2004 davart las publicaziuns uffizialas, en vigur dapi il 1. da schan. 2005 (AS 2004 4929; BBI 2003 7711).

³ En collavurazion cun las organisaziuns responsablas fa il Departament federal d'economia, furmaziun e retschertga (DEFR)¹¹ prescripziuns minimalas per la renconuschentscha federala da las furmaziuns e dals studis da diplom supplementar a las scolas spezialisadas superiuras. Las prescripziuns pertutgan las cundiziuns d'admissiun, ils cuntegns didactics, la procedura da qualificaziun, ils attestats ed ils titels.

⁴ Ils chantuns pon porscher sezs furmaziuns.

⁵ Ils chantuns han la surveglianza da las scolas spezialisadas superiuras, sch'els porschan furmaziuns che veggan renconuschidas da la Confederaziun.

4. chapitel Furmaziun supplementara orientada a la professiun

Art. 30 Object

Sin basa d'ina moda d'emprender organisada ha la furmaziun supplementara orientada a la professiun l'intent:

- a. da renovar, d'approfundir e da cumpletтар qualificaziuns professiunala existentes u d'acquirir novas qualificaziuns professiunala;
- b. da sustegnair la flexibilitad professiunala.

Art. 31 Purschida da furmaziun supplementara orientada a la professiun

Ils chantuns procuran che la purschida da furmaziun supplementara orientada a la professiun correspundia al basegn.

Art. 32 Mesiras da la Confederaziun

¹ La Confederaziun promova la furmaziun supplementara orientada a la professiun.

² Ella sustegna en spezial purschidas che han l'intent da:

- a. permetter a persunas da restar en la vita professiunala, en cas ch'i dat midadas structuralas en il mund professiunal;
- b. levgiar a persunas che han reduci u interrutt lur activitat professiunala il return en lur professiun.

³ Ella sustegna plinavant mesiras che promovan la coordinaziun, la transparenza e la qualitad da la purschida da furmaziun supplementara.

⁴ Las purschidas da furmaziun supplementara orientada a la professiun che veggan sustegnidias da la Confederaziun ston vegnir coordinadas cun las mesiras per il

¹¹ Designaziun tenor la cifra I 8 da l'O dals 15 da zer. 2012 (reorganaziun dals departaments), en vigur dapi il 1. da schan. 2013 (AS 2012 3655). Questa midada è vegnida resguardada en l'entira lescha.

martgà da laver tenor la Lescha dals 25 da zercladur 1982¹² davart l'assicuranza cunter la dischoccupaziun.

5. chapitel Procedura da qualificaziun, attestats e titels

1. part Disposiziuns generalas

Art. 33 Examens ed otras proceduras da qualificaziun

Las qualificaziuns professiunala vegnan cumprovadas cun in examen cumplessiv, cun ina cumbinaziun d'exams parzials u cun otras proceduras da qualificaziun che vegnan renconuschidas dal SEFRI.

Art. 34 Pretensiuns a las proceduras da qualificaziun

¹ Il Cussegħ federal regla las pretensiuns a las proceduras da qualificaziun. El garantescha la qualitat e la cumparegliabladdad tranter las proceduras da qualificaziun. Ihs criteris da valitaziun che vegnan utilisads en las proceduras da qualificaziun ston esser objectivs e transparents e garantir l'egalidad da las schanzas.

² L'admissiun a proceduras da qualificaziun n'è betg cumbinada cun la pretensiun d'avair frequentà tschartas furmaziuns specificas. Il SEFRI regla las premissas d'admissiun.

Art. 35 Promozion d'autras proceduras da qualificaziun

La Confederaziun po promover organisaziuns che sviluppan u porschan autres proceduras da qualificaziun.

Art. 36 Protecziun dals titels

Mo titularas e titulars d'in diplom da la furmazion fundamentala professiunala e da la furmazion professiunala superiura èn autorisads da purtar ils titels fixads en las prescripcziuns correspundentas.

2. part Furmazion fundamentala professiunala

Art. 37 Attestat federal da furmazion professiunala

¹ L'attestat federal da furmazion professiunala survegn, tgi che ha terminà la furmazion fundamentala da dus onns cun in examen u tgi che ha reussi cun success ina procedura da qualificaziun equivalenta.

² L'attestat federal da furmazion professiunala vegn emess da l'autoritat chantunala.

¹² SR 837.0

Art. 38 Attestat federal da qualificaziun

¹ L'attestat federal da qualificaziun survegn, tgi che ha reussì cun success l'examen final d'emprendissadi u tgi che ha passà cun success ina procedura da qualificaziun equivalenta.

² L'attestat federal da qualificaziun vegg emess da l'autoritat chantunala.

Art. 39 Attestat federal da maturitat professiunala

¹ L'attestat federal da maturitat professiunala survegn, tgi che posseda in attestat federal da qualificaziun ed ha reussì cun success l'examen da maturitat professiunala che vegg renconuschi da la Confederaziun u tgi che ha passà cun success ina procedura da qualificaziun equivalenta.

² ...¹³

³ Ils chantuns procuran per la realisaziun dals examens da maturitat professiunala ed emettan ils attestats. Cumplementarmain po er la Confederaziun organisar tals examens.

Art. 40 Realisaziun da las proceduras da qualificaziun

¹ Ils chantuns procuran per la realisaziun da las proceduras da qualificaziun.

² Il SEFRI po surdar a las organisaziuns dal mund da lavur – sin lur proposta – l'incumbensa da realizar las proceduras da qualificaziun per singulas regiuns u per l'entira Svizra.

Art. 41 Taxas

¹ Per ils examens che mainan a l'attestat federal da qualificaziun, a l'attestat federal da furmaziun professiunala ed a l'attestat federal da maturitat professiunala na dastgan vegg adossadas naginas taxas a las candidatas ed als candidats sco er als purschiders da la furmaziun pratica professiunala.

² Per in'absenza nunmotivada u per ina retratga da l'examen sco er per la repetiziun da l'examen dastgan vegg adossadas taxas.

3. part **Furmaziun professiunala superiura****Art. 42** Examens professiunals federais ed examens professiunals superiurs

¹ L'examen professiunal federal e l'examen professiunal superiur sa drizzan tenor las prescripcziuns respectivas (art. 28 al. 2).

² La Confederaziun procura per la surveglianza da questi examens.

¹³ Aboli tras la cifra II 2 da l'aggiunta da la LF dals 30 da sett. 2011 davart l'agid a las scolas autas e davart la coordinaziun en il securt da las scolas autas svizras, cun effect dapi il 1. da schan. 2015 (AS 2014 4103; BBl 2009 4561).

Art. 43 Attestat professiunal e diplom; inscripziun en il register

¹ Tgi che ha reussi l'examen professiunal federal, survegn in attestat professiunal. Tgi che ha reussi l'examen professiunal federal superiur, survegn in diplom.

² L'attestat professiunal ed il diplom vegnan emess dal SEFRI.

³ Il SEFRI maina in register public cum ils numbs dals titulars dals attestats professiunals e dals diploms.

Art. 44 Scola spezialisada superiura

¹ Tgi che reussescha l'examen d'ina scola spezialisada superiura u tgi che passa cun success ina procedura da qualificaziun equivalenta, survegn in diplom da la scola.

² La procedura d'examen e la procedura da qualificaziun equivalenta sa drizzan tenor las prescripcziuns minimalas (art. 29 al. 3).

6. chapitel**Furmazion da las personas responsablas per la furmazion professiunala****Art. 45** Pretensiuns a las furmaturas ed als furmators professiunals

¹ Furmatura u furmatur professiunal è tgi ch'intermediescha la furmazion pratica professiunala en il rom da la furmazion fundamentala professiunala.

² Furmaturas e furmators professiunals han ina furmazion qualifitgada en lur spezialitat professiunala sco er abilitads pedagogicas e metodie-didacticas adequatas.

³ Il Cussegl federal fixescha las pretensiuns minimalas a la scolaziun dals furmators professiunals.

⁴ Ils chantuns procuran per la scolaziun dals furmators professiunals.

Art. 46 Pretensiuns a las personas d'instrucziun

¹ Las personas d'instrucziun che instrueschan en la furmazion fundamentala professiunala, en la furmazion professiunala superiura ed en la furmazion supplementara orientada a la professiun, han per regla ina furmazion specifica en lur spezialitat professiunala, ina furmazion pedagogica ed ina furmazion metodic-didactica.

² Il Cussegl federal fixescha las pretensiuns minimalas a la furmazion da las personas d'instrucziun.

Art. 47 Autras personas responsablas per la furmazion professiunala

La Confederaziun po metter a disposiziun purschidas per la furmazion d'autras personas responsablas per la furmazion professiunala sco per las expertas e per ils

experts d'examen u per outras persunas ch'èn activas en la furmaziun professiunala.

Art. 48¹⁴ Promozion da la pedagogia per la furmaziun professiunala

¹ La Confederaziun promova la pedagogia per la furmaziun professiunala.

² Per quest intent maina ella la Scola auta federala per la furmaziun professiunala (SAFFP). Las incumbensas e l'organisaziun da la SAFFP èn regladas en la Lescha dals 25 da settember 2020¹⁵ davart la SAFFP.

Art. 48a¹⁶

7. chapitel Cussegliaziun da professiun, da studi e da carriera

Art. 49 Princip

¹ La cussegliaziun da professiun, da studi e da carriera gida giuvenils e creschids a tscherner la professiun ed il studi sco er a planisar la carriera professiunala.

² La cussegliaziun ha lieu tras infurmaziun e tras cussegliazion persunala.

Art. 50 Qualificaziun dals cussegliaders

¹ Ils cussegliaders da professiun, da studi e da carriera ston avair terminà cun success ina furmaziun spezialisada che vegg renconuschida da la Confederaziun.

² Il Cussegl federal decretescha prescripziuns minimalas per la renconuschien-tscha da las furmaziuns.

Art. 51 Incumbensa dals chantuns

¹ Ils chantuns procuran per ina cussegliaziun da professiun, da studi e da carriera.

² Els han quità che la cussegliaziun da professiun, da studi e da carriera saja accordada cun las mesiras per il martgà da lavur tenor la Lescha dals 25 da zercladur 1982¹⁷ davart l'assicuranza cunter la dischoccupaziun.

¹⁴ Versiun tenor l'art. 36 da la LF dals 25 da sett. 2020 davart la SAFFP, en vigur dapi il 1. d'avust 2021 (AS **2021** 414; BBI **2020** 661).

¹⁵ SR **412.106**

¹⁶ Integrà tras la cifra 1 da l'aggiunta da la LF dals 18 da zer. 2010 (AS **2010** 5003; BBI **2009** 7207). Aboli tras l'art. 36 da la LF dals 25 da sett. 2020 davart la SAFFP, cun effect dapi il 1. d'avust 2021 (AS **2021** 414; BBI **2020** 661).

¹⁷ SR **837.0**

8. chapitel

Participaziun da la Confederaziun als custs da la furmazion professiunala; fond per la furmazion professiunala

1. part

Participaziun da la Confederaziun als custs da la furmazion professiunala

Art. 52 Princip

¹ La Confederaziun sa participescha, en il rom dals credits permess, adequatamain als custs da la furmazion professiunala tenor questa lescha.

² Ella paja principalmain contribuziuns pauschalas als chantuns per finanziar las incumbensas tenor l'artitgel 53. Ils chantuns transmettan questas contribuziuns a terzas persunas en proporziun a las incumbensas ch'els han surdà ad ellas.

³ Il rest da sia contribuziun paja la Confederaziun a:

- a. chantuns e terzas persunas per finanziar projects che servan a sviluppar la furmazion professiunala e la qualitad (art. 54);
- b. chantuns e terzas persunas per prestaziuns spezialas ch'en d'in interess public (art. 55);
- c. terzas persunas per la realisaziun dals examens professiunals federais e dals examens professiunals federais superiurs sco er per las furmaziuns da scolas spezialisadas superiuras (art. 56);
- d.¹⁸ persunas che han absolvì curs preparatorics (absolvents) per examens professiunals federais u per examens professiunals federais superiurs (art. 56a).

Art. 53 Contribuziuns pauschalas als chantuns

¹ Las contribuziuns pauschalas che vegnan pajadas als chantuns vegnan calculadas principalmain sin basa dal dumber da persunas che absolvan ina furmazion fundamentala professiunala. Plinavant tegnan las contribuziuns quint adequata-main da la dimensiun e dal gener da la furmazion fundamentala sco er da la purschida da furmazion professiunala superiura. Il Cussegl federal po resguardar ulterius criteris.¹⁹

² Las contribuziuns pauschalas vegnan pajadas per las suandardas incumbensas:

- a. purschidas da:
 1. accumpagnament individual spezialisà d'emprendistas e d'empren-dists che absolvan furmaziuns fundamentalas professiunals da dus onns (art. 18 al. 2),

¹⁸ Integrà tras la cifra I da la LF dals 16 da dec. 2016, en vigur dapi il 1. da schan. 2018 (AS 2017 5143; BBI 2016 3089).

¹⁹ Versiun tenor la cifra II 4 da la LF dals 6 d'oct. 2006 davart la refurma da la guliva-zion da finanzas e da la repartiziun da las incumbensas tranter la Confederaziun ed ils chantuns (NGF), en vigur dapi il 1. da schan. 2008 (AS 2007 5779; BBI 2005 6029).

2. mesiras per preparar per la furmaziun fundamentala professiunala (art. 12),
 3. scolas professiunalas spezialisadas (art. 21),
 4. curs intermanaschials e curs a lieus da furmaziun cumparegliabels (art. 23),
 5. instrucziun da furmaziun generala per sa preparar per la maturitat professiunala (art. 25),
 6. curs preparatorics per ils examens professiunals federales e per ils examens professiunals federales superiurs (art. 28),
 7. furmaziuns en scolas spezialisadas superiuras (art. 29),
 8. furmaziun supplementara orientada a la professiun (art. 30–32),
 9. occurrenzas da furmaziun per furmaturas e per furmaturs da la professiun (art. 45),
 10. qualificaziun dals cussegliaders da professiun, da studi e da carriera (art. 50);
- b. realisaziun d'examens e d'autras proceduras da qualificaziun (art. 40 al. 1) cun resalva da l'artitgel 52 alinea 3 litera c.

Art. 54 Contribuziuns per projects per sviluppar la furmaziun professiunala e per sviluppar la qualitad

Las contribuziuns per projects ch'èn destinads a sviluppar la furmaziun professiunala tenor l'artitgel 4 alinea 1 e las contribuziuns per projects ch'èn destinads a sviluppar la qualitad tenor l'artitgel 8 alinea 2 èn limitadas temporalmain.

Art. 55 Contribuziuns per prestazius spezialas ch'èn d'in interess public

¹ Sco prestazius spezialas ch'èn d'in interess public valan particularmain:

- a. mesiras per promover l'egalidad effectiva tranter dunna ed um sco er per promover la furmaziun e la furmaziun supplementara orientada a la professiun da persunas cun impediments (art. 3 lit. c);
- b. l'infurmaziun e la documentazиun (art. 5 lit. a);
- c. la creaziun da meds d'instrucziun per las minoritads linguisticas (art. 5 lit. b);
- d. mesiras per meglierar la chapientscha ed il barat tranter las cuminanzas linguisticas (art. 6);
- e. mesiras che van a favur da regiuns e da gruppas dischavantagiadas (art. 7);
- f. mesiras per integrar en la furmaziun professiunala giuvenils cun difficultads en scola, cun difficultads socialas u cun difficultads linguisticas (art. 7);
- g. mesiras per promover da restar e da returnar en la vita professiunala (art. 32 al. 2);

- h. mesiras per promover la coordinaziun, la transparenza e la qualitat da la purschida da furmazion supplementara (art. 32 al. 3);
- i. promozion d'autras proceduras da qualificaziun (art. 35);
- j. mesiras che servan a garantir ed ad amplifitgar la purschida da plazzas d'emprendissadi (art. 1 al. 1).

² Contribuziuns per prestaziuns ch'èn d'in interess public vegnan concedidas mo, sche las prestaziuns èn vegnidas concepidas a pli lunga vista e sch'ellas basegnan ina promozion speziala per ch'ellas possian vegnir furnidas.

³ Il Cussegl federal po fixar ulteriuras prestaziuns d'in interess public che pon survegnir contribuziuns.

⁴ Il Cussegl federal fixescha ils criteris per la concessiun da las contribuziuns.

Art. 56 Contribuziuns per examens professiunals federais e per examens professiunals federais superiurs; furmaziuns da scolas spezialisadas superiuras

La Confederazion po subvenziunar la realisaziun dals examens professiunals federais e dals examens professiunals federais superiurs sco er las furmaziuns da scolas spezialisadas superiuras che vegnan purschidas d'organisaziuns dal mund da lavour.

Art. 56a²⁰ Contribuziuns ad absolvents da curs preparatorics

¹ La Confederazion po pajar contribuziuns ad absolvents da curs preparatorics per examens professiunals federais u per examens professiunals federais superiurs (art. 28).

² Las contribuziuns cuvran maximalmain 50 pertschient da las taxas da curs imputablas.

³ Il Cussegl federal fixescha las premissas per il dretg da contribuziun, la tariffa da contribuziun sco er las taxas da curs imputablas.

⁴ Sin dumonda po la Confederazion pajar contribuziuns parzialas a persunas ch'èn sa participadas a curs preparatorics per examens professiunals federais u per examens professiunals federais superiurs. Il Cussegl federal regla ils detagls.

Art. 56b²¹ Sistem d'infurmaziun

¹ Il SEFRI maina in sistem d'infurmaziun per controllar il pajament da contribuziuns tenor l'artitgel 56a sco er per far ed evaluar statisticas respectivas.

² En il sistem d'infurmaziun elavura el las suandardas datas:

²⁰ Integrà tras la cifra I da la LF dals 16 da dec. 2016, en vigur dapi il 1. da schan. 2018 (AS 2017 5143; BBI 2016 3089).

²¹ Integrà tras la cifra I da la LF dals 16 da dec. 2016, en vigur dapi il 1. da schan. 2018 (AS 2017 5143; BBI 2016 3089).

- a. indicaziuns per identifitgar persunas che han survegnì contribuziuns tenor l'artigel 56a alineas 1 e 4;
- b. indicaziuns per identifitgar absolvents d'exams professiunals federales e d'exams professiunals federales superiurs tenor l'artigel 28;
- c.²² ...
- d. indicaziuns davart la contribuziun survegnida tenor l'artigel 56a alineas 1 e 4;
- e. indicaziuns davart ils curs preparatorics absolvids;
- f. indicaziuns davart ils exams professiunals federales ed ils exams professiunals federales superiurs absolvids.

³ Il Cussegl federal decretescha disposiziuns davart l'organisaziun e davart la gestiun dal sistem d'infurmaziun sco er davart la segirezza, davart la durada da la conservaziun e davart la stizzada da las datas.

⁴ El po incumbensar terzas persunas cun la gestiun dal sistem d'infurmaziun e cun l'elavuraziun da las datas.

Art. 57 Cundiziuns e pretensiuns

¹ Contribuziuns tenor ils artigels 53 fin 56 veggan concedidas mo, sch'il project che sto vegnir subvenziunà:

- a. è confurm als basegns;
- b. è organisà en moda cunvegnenta;
- c. cumpiglia mesiras che permettan da sviluppar la qualitat.

² Il Cussegl federal po prevair ulteriuras cundiziuns e pretensiuns. El regla la calculaziun da las contribuziuns.

Art. 58 Reducziun e refusa da contribuziuns

La Confederaziun reducescha contribuziuns permessas u refusa novas contribuziuns, sche las persunas che han survegnì contribuziuns negligeschan u violeschan considerablament las incumbensas e las obligaziuns ch'ellas han tenor questa lescha.

Art. 59²³ Finanziaziun e participaziun da la Confederaziun

¹ L'Assamblea federala permetta per ina perioda da contribuziun da plirs onns, mintgamai tras in simpel conclus federal:

- a. il rom da pajaments per:

²² Aboli tras la cifra 8 da l'aggiunta da la LF dals 18 da dec. 2020 (Diever sistematic dal numer da la AVS tras las autoridades), cun effect dapi il 1. da schan. 2022 (AS 2021 758; BBI 2019 7359).

²³ Versiun tenor la cifra I da la LF dals 16 da dec. 2016, en vigur dapi il 1. da schan. 2018 (AS 2017 5143; BBI 2016 3089).

1. las contribuziuns pauschalas pajadas als chantuns tenor l'artitgel 53,
 2. las contribuziuns tenor l'artitgel 56 per la realisaziun dals examens professiunals federales e dals examens professiunals federales superiurs sco er per scolaziuns da scolas spezialisadas superiuras,
 3. las contribuziuns tenor l'artitgel 56a ad absolvents da curs preparatorics;
- a^{bis}²⁴ la limita per las indemnizaziuns pajadas a la SAFFP tenor l'artitgel 48 alinea 2;
- b. il credit d'impegn per:
 1. las contribuziuns tenor l'artitgel 54 per projects per sviluppar la furmazion professiunala e per sviluppar la qualitat,
 2. las contribuziuns tenor l'artitgel 55 per prestaziuns spezialas en l'interess public.

² La participaziun da la Confederaziun als custs correspunda a circa in quart da l'import che vegn pajà dal maun public per la furmazion professiunala tenor questa lescha. Da sia participaziun als custs pajà la Confederaziun maximalmain 10 pertschient sco contribuziun per projects e per prestaziuns tenor ils artitgels 54 e 55.

2. part Fond per la furmazion professiunala

Art. 60

¹ Per promover la furmazion professiunala pon las organisaziuns dal mund da l'avur ch'èn cumpetentas per la furmazion e per la furmazion supplementara sco er per ils examens crear ed accumular agens fonds per la furmazion professiunala.

² Las organisaziuns defineschan l'intent da promozion da lur fond per la furmazion professiunala. Cunzunt duain ellas sustegnair ils manaschis da lur branscha a sviluppar la furmazion specifica per la professiun.²⁵

³ Sin dumonda da l'organisaziun cumpetenta po il Cussegl federal declarar il fond per la furmazion professiunala da questa organisaziun sco liant per tut ils manaschis da la branscha ed obligar queste ultims da pajar contribuziuns da furmazion. Qua valan confurm al senn las disposiziuns da la Lescha federala dals 28 da settember 1956²⁶ davart la declaranza impegnativa da contracts collectivs da l'avur.

⁴ La premissa per declarar las disposiziuns sco liantas è, che:

²⁴ Integrà tras l'art. 36 da la LF dals 25 da sett. 2020 davart la SAFFP, en vigur dapi il 1. d'avust 2021 (AS 2021 414; BBI 2020 661).

²⁵ Versiun da la segunda frasa tenor la cifra 13 da l'aggiunta da la LF dals 20 da zer. 2014 davart il perfecziunament, en vigur dapi il 1. da schan. 2017 (AS 2016 689; BBI 2013 3729).

²⁶ SR 221.215.311

- a. almain 30 pertschient dals manaschis cun almain 30 pertschient dals lavurants sco er dals emprendists da questa branscha sajan gia participads finanzialmain al fond per la furmaziun;
- b. l'organisaziun disponia d'ina atgna instituziun da furmaziun;
- c. las contribuziuns vegnian incassadas mo per las professiuns specificas da la branscha;
- d. las contribuziuns vegnian investidas en mesiras da la furmaziun professiunala che van a favur da tut ils manaschis.

⁵ Il gener e l'import da las contribuziuns da furmaziun sa drizzan tenor la contribuziun dals commembres da l'organisaziun respectiva; questas contribuziuns èn destinadas als custs da la furmaziun professiunala. Il Cussegl federal fixescha l'import maximal; el po differenziar ils imports maximals tenor branschas.

⁶ Manaschis che pajan la contribuziun per la furmaziun professiunala tras la federaziun, che la pajan en in fond da furmaziun professiunala u che pon cumprovar ch'els furneschan autres prestaziuns adequatas da furmaziun u da furmaziun supplementara, na dastgan betg vegnir obligads da far ulteriurs pajaments en fonds da furmaziun ch'èn vegnids declarads sco generalmain liants.

⁷ Il SEFRI ha la surveglianza dals fonds ch'èn vegnids declarads sco generalmain liants. L'ordinaziun regla ils detagls da la contabilitad e da la revisiun.

9. chapitel Meds legals, disposiziuns penals, execuziun

1. part Meds legals

Art. 61

¹ Las autoritads da meds legals èn:

- a. in'autoritat chantunala designada dal chantun per disposiziuns d'autoritads chantunalas e da purschiders che han ina incumbensa chantunala;
- b.²⁷ il SEFRI per autres disposiziuns d'organisaziuns ordaifer l'administraziun federala;
- c. e d.²⁸ ...

² Dal rest sa drizza la procedura tenor las disposiziuns generalas da la giurisdicziun administrativa federala.

²⁷ Versiun tenor la cifra 35 da l'agiuntada la L dals 17 da zer. 2005 davart il TAF, en vigur dapi il 1. da schan. 2007 (AS 2006 2197 1069; BBI 2001 4202).

²⁸ Aboli tras la cifra 35 da l'agiunta da la L dals 17 da zer. 2005 davart il TAF, cun effect dapi il 1. da schan. 2007 (AS 2006 2197 1069; BBI 2001 4202).

2. part Disposiziuns penales

Art. 62 Cuntravenziun e tralaschada

¹ Cun ina multa vegn chastià, tgi che surpiglia la furmazion da persunas:

- a. senza la permissiun tenor l'artitgel 20 alinea 2;
- b. senza concluder il contract d'emprendissadi (art. 14).

² En cas d'ina leva culpa poi vegnir pronunzià in avertiment empè d'ina multa.

Art. 63 Abus da titels

¹ Cun ina multa vegn chastià, tgi che:

- a. porta in titel protegi senza avair reussì cun success ils examens necessaris u passà ina procedura da qualificaziun equivalenta;
- b. utilisescha in titel che dat l'impressiun ch'el haja reussì l'examen correspondent u haja passà ina procedura da qualificaziun equivalenta.

² Las disposiziuns penales da la Lescha federala dals 19 da december 1986²⁹ davart la concurrenza illoiala restan resalvadas.

Art. 64 Persecuziun penală

La persecuziun penală è chaussa dals chantuns.

3. part Execuziun

Art. 65 Confederaziun

¹ Il Cussegl federal decretescha las disposiziuns executivas, uschenavant che la lescha na regla betg autramain questa cumpetenza.

² El po delegar la cumpetenza da decretar prescripziuns al DEFR u al SEFRI.

³ Ils chantuns e las organisaziuns interessadas vegnan tadtads avant che decretar:

- a. disposiziuns executivas;
- b. ordinaziuns da furmazion.

⁴ La Confederaziun ha la surveglianza suprema davart l'execuziun da questa lescha tras ils chantuns.

Art. 66 Chantuns

Uschenavant che l'execuziun n'è betg attribuida a la Confederaziun, è ella chaussa dals chantuns.

²⁹ SR 241

Art. 67 Transferiment d'incumbensas a terzas persunas

La Confederaziun ed ils chantuns pon surdar incumbensas executivas ad organisaziuns dal mund da laver. Questas organisaziuns pon incassar taxas per disposiziuns e per servetschs.³⁰

Art. 68 Renconuschiantscha da diploms e d'attestats esters³¹

¹ Il Cussegħ federal regla la renconuschiantscha da diploms e d'attestats esters da la furmaziun professiunala en il champ d'applicaziun da questa lescha.

² En il sektur da la renconuschiantscha da diploms e d'attestats esters da la furmaziun professiunala po il Cussegħ federal concluder en atgħna cumpetenza contracts internaziunals.³²

Art. 69 Cumissiun federala per la furmaziun professiunala

¹ Il Cussegħ federal nominešcha ina cumissiun federala per la furmaziun professiunala.

² Ella sa cumpona da maximalmain 15 represchentantas e represchentants da la Confederaziun, dals chantuns, da las organisaziuns dal mund da laver sco er da la scienza. Ils chantuns han il dretg da proponer trais commembrahs u commembers.

³ La cumissiun vegn presidiada dal secretari da stadi dal SEFRI.

⁴ Il SEFRI maina il secretariat.

Art. 70 Incumbensas da la cumissiun federala per la furmaziun professiunala

¹ La cumissiun per la furmaziun professiunala ha las suandantas incumbensas:

- a. ella cussegħia las autoritads federalas en dumondas generalas da la furmaziun professiunala, en dumondas dal svilup e da la coordinaziun sco er da l'armonisaziun cun la politika da furmaziun generala;
- b. ella giuditgesha ils projects per sviluppar la furmaziun professiunala tenor l'artitgel 54, las dumondas da contribuziun per prestaziuns spezialas ch'èn d'in interess public tenor l'artitgel 55 e las dumondas da sustegn en il sektur da la furmaziun professiunala tenor l'artitgel 56 sco er la perscrutaziun, ils studis, ils projects da pilot ed ils servetschs en il sektur da la furmaziun professiunala e da la furmaziun supplementara orientada a la professiun tenor l'artitgel 48 alinea 2 litera b.

³⁰ Frasa integrada tras la cifra II da la LF dals 17 da dec. 2004, en vigur dapi il 5 d'oct. 2005 (AS 2005 4635; BBI 2004 145).

³¹ Versiun tenor l'art. 13 da la LF dals 25 da sett. 2020 davart la collavuraziun e la mobilità internaziunala en il sektur da la furmaziun, en vigur dapi il 1. d'avrigl 2022 (AS 2022 164; BBI 2019 8327).

³² Versiun tenor l'art. 13 da la LF dals 25 da sett. 2020 davart la collavuraziun e la mobilità internaziunala en il sektur da la furmaziun, en vigur dapi il 1. d'avrigl 2022 (AS 2022 164; BBI 2019 8327).

² Ella po far sezza propostas e fa recumandaziuns per mauns da l'autoritat da subvenziun davart ils projects che ston vegnir giudtgads.

Art. 71 Cumissiun federala per la maturitat professiunala

Il Cussegl federal nominescha ina cumissiun federala per la maturitat professiunala.³³ La cumissiun è l'organ consultativ per dumondas da la maturitat professiunala, en spezial per dumondas davart la renconusclientscha da proceduras da qualificaziun.

10. chapitel Disposiziuns finalas

Art. 72 Aboliziun e midada dal dretg vertent

L'aboliziun e la midada dal dretg vertent vegnan regladas en l'agiunta.

Art. 73 Disposiziuns transitoricas

¹ Las ordinaziuns chantunalias e federalas vertentes davart la furmazion ston vegnir adattadas respectivamain remplazzadas entaifer tschintg onns dapi l'entrada en vigur da questa lescha.

² Titels protegids ch'èn vegnids acquirids tenor il dretg vertent èn protegids er vinavant.

³ La midada a contribuziuns pauschalas tenor l'artitgel 53 alinea 2 ha lieu progressivamain entaifer quatter onns.

⁴ La participaziun als custs tras la Confederaziun vegn augmentada entaifer quatter onns progressivamain sin quella part ch'è fixada en l'artitgel 59 alinea 2.

Art. 74 Referendum ed entrada en vigur

¹ Questa lescha è suttamessa al referendum facultativ.

² Il Cussegl federal fixescha l'entrada en vigur.

Data da l'entrada en vigur: 1. da schaner 2004³⁴

³³ Versiun tenor la cifra I 6.2 da l'O dals 9 da nov. 2011 (examinaziun da las cumissiuns extraparlamentaras), en vigur dapi il 1. da schan. 2012 (AS 2011 5227).

³⁴ COCF dals 19 da nov. 2003.

Agiunta
(art. 72)

Aboliziun e midadas dal dretg vertent

I

Ils sustants decrets vegnan abolids:

1. Lescha federala dals 19 d'avrigl 1978³⁵ davart la furmaziun professiunala;
2. Lescha federala dals 19 da zercladur 1992³⁶ davart ils agids finanzials a las scolas spezialisadas superiuras da laver sociala.

II

Ils decrets qua sutvart vegnan midads sco suonda:

...³⁷

³⁵ [AS 1979 1687; 1985 660 cifra I 21; 1987 600 art. 17 cifra 3; 1991 857 agiunta cifra 4; 1992 288 agiunta cifra 17, 2521 art. 55 cifra 1; 1996 2588 art. 25 al. 2 ed agiunta cifra 1; 1998 1822 art. 2; 1999 2374 cifra I 2; 2003 187 agiunta cifra II 2]

³⁶ [AS 1992 1973]

³⁷ Las midadas pon vegnir consultadas en il AS 2003 4557.